

Anuncio

ACORDO DA XUNTA DE GOBERNO DA DEPUTACIÓN PROVINCIAL DE LUGO DO 10 DE ABRIL DE 2026, NO QUE SE APROBA A CONVOCATORIA E BASES ESPECÍFICAS DO PROCESO SELECTIVO PARA A ELABORACIÓN DUNHA LISTAXE DE EMPREGO TEMPORAL DE “PERSONAL DE APOIO AO CIT”, PARA PRESTAR SERVIZOS DE CARÁCTER TEMPORAL NO CENTRO DE INNOVACIÓN TERRITORIAL DA DEPUTACIÓN PROVINCIAL DE LUGO.

A Xunta de Goberno da Deputación Provincial de Lugo, en sesión ordinaria celebrada o día 10 de abril de 2026 adoptou, entre outros, o seguinte acordo:

“Constatando que a entidade ten necesidade de contar cunha listaxe de emprego temporal de persoal de apoio para poder atender ás necesidades do Centro de Innovación Territorial (CIT) da Deputación Provincial de Lugo e xestionar axilmente a incorporación de efectivos, cando sexa precisa e estea xustificada a súa incorporación conforme ás esixencias da normativa vixente, en particular ás referidas no artigo 20.Cinco da Lei 31/2022, do 23 de decembro, de Orzamentos Xerais do Estado para o ano 2023 -prorrogada para o ano 2024, 2025 e 2026 de acordo co establecido no artigo 134.4 da Constitución Española.

Os criterios rexedores do funcionamento das listaxes de emprego temporal da Deputación Provincial de Lugo serán os vixentes no momento de aprobación das listaxes correspondentes, regulados mediante resolución de presidencia, previa negociación coa representación dos/as empregados/as públicos/as, podendo consultarse na páxina web www.deputacionlugo.gal, no apartado Emprego Público (RRHH) – Selección Temporal.

*Por todo o anterior propónse á Xunta de Goberno para que, segundo as facultades que lle confire artigo 59.5 do Regulamento Orgánico da Deputación Provincial de Lugo de data 30.06.2020 (publicado do BOP núm. 202, do 03.09.2020), **ACORDE:***

1º Aprobar a convocatoria do procedemento selectivo para a elaboración dunha listaxe de emprego temporal de persoal de apoio do Centro de Innovación Territorial (CIT) da Deputación Provincial de Lugo, grupo C – subgrupo C1, para xestionar de xeito áxil as necesidades deste tipo de persoal e poder efectuar nomeamentos ou contratacións de persoal temporal polas causas reguladas no art. 10.1 da Lei do Estatuto Básico do Empregado Público ou, no seu caso, polo artigo 15 da Lei do Estatuto dos Traballadores.

2º Que a presente convocatoria se rexa polas bases xerais polas que se establecen as normas para elaboración de listaxes para a prestación de servizos de carácter temporal en programas con financiación externa na Deputación Provincial de Lugo (cota xeral ou cota de reserva a persoas con discapacidade).

3º Aprobar as bases específicas, que complementarán ás bases xerais, que rexerán o procedemento selectivo para a elaboración da listaxe de emprego temporal da praza sinalada no apartado primeiro.

4º Convocar publicamente a quen, cumprindo os requisitos enumerados nas bases xerais e específicas, desexe participar no correspondente procedemento selectivo.

5º Ordenar a publicación da presente convocatoria e bases específicas no Boletín Oficial da Provincia (BOP) de Lugo e nos lugares determinados nas bases xerais.

6º Realizar cantos trámites sexan necesarios para levar a cabo o correspondente procedemento selectivo.

A Xunta de Goberno, por unanimidade, acorda prestar aprobación á proposta presentada e anteriormente transcrita.”

Contra o presente acordo, que pon fin a vía administrativa, poderase interpoñer con carácter potestativo, recurso de reposición, diante da Xunta de Goberno no prazo dun mes contado a partir do día seguinte o da publicación deste acordo no BOP ou ben recurso contencioso-administrativo diante do Xulgado Contencioso-Administrativo de Lugo no prazo de dous meses contados dende o día seguinte da citada publicación, sen prexuízo de que se interpoña calquera outra que se estime oportuno.

BASES ESPECÍFICAS PARA A ELABORACIÓN DUNHA LISTAXE DE EMPREGO DE PERSONAL DE APOIO PARA PRESTAR SERVIZOS TEMPORAIS NO CENTRO DE INNOVACIÓN TERRITORIAL DA DEPUTACIÓN PROVINCIAL DE LUGO.

1. OBXECTO DAS BASES ESPECÍFICAS

O obxecto das presentes bases específicas é complementar as Bases Xerais polas que se establecen as normas para a elaboración de listaxes para a prestación de servizos de carácter temporal en programas con financiación externa na Deputación Provincial de Lugo.

2. CARACTERÍSTICAS DA PRAZA/POSTO/EMPREGO DA LISTAXE QUE SE CONVOCA

DENOMINACIÓN	COTA	GRUPO SUBGRUPO	ADSCRICIÓN	RETRIBUCIÓN
PERSONAL DE APOIO AO CIT	Cota Xeral	C - C1	Centro de Innovación Territorial da Deputación Provincial de Lugo (con dúas sedes físicas nos municipios de Burela e Navia de Suarna).	As correspondentes á praza e ao posto de nivel de entrada.

Este documento está
exposto no Taboreiro de
Anuncios desta Deputación
desde o día 20 ABR. 2026
até o día 27 de MAYO 2026
na UNIDADE
BIBLIOTECARIA E VIXIANCIA P.O.

3. COMETIDO FUNCIONAL

Xestión e organización de diversas tarefas administrativas e operativas, tales coma:

1. Atención ao público, xestión de chamadas telefónicas e resposta a comunicacións electrónicas, así como preparación e envío de correspondencia, cartas e invitacións.
2. Organización, clasificación e arquivo da documentación xerada no desenvolvemento do programa.
3. Asistencia e apoio na actualización das programacións.
4. Apoio na xestión e organización de eventos e presentacións cos distintos axentes sociais implicados.
5. Soporte e apoio na obtención de información para elaboración de informes e memorias do programa.
6. Control e xestión do material vinculado ao programa (material formativo, merchandising, etc)
7. Apoio na xestión a coordinación das tarefas encomendadas pola persoa coordinadora dentro do ámbito das súas competencias.

O persoal de apoio ao CIT prestará servizos nas sedes físicas de Burela ou Navia de Suarna.

4. REQUISITOS QUE DEBEN CUMPRIR AS PERSOAS ASPIRANTES PARA SER ADMITIDAS AO PROCESO SELECTIVO.

Ademais dos requisitos esixidos na base xeral 4, as persoas aspirantes deberán estar en posesión dalgunha das seguintes titulacións académicas, de acordo co artigo 76 do Real decreto lexislativo 5/2015, do 30 de outubro, polo que se aproba o Texto Refundido da Lei do Estatuto Básico do Empregado Público:

Bacharelato, Técnico/a (FP Medio), FP II Grao ou equivalente.

5. NIVEL DE GALEGO ESIXIDO: Celga 4.

Lugo, 14 de abril de 2026.- O SECRETARIO XERAL, José Antonio Mourelle Cillero.

R. 0957

O presente documento estará
exposto no Taboeiro de
Anuncios desta Deputación
desde o día 20 ABR. 2026
ata a día 20 MAYO 2026
O XEFE DA UNIDADE
PORTERÍA E VIXANCIA

R.O.
